

玄覽堂叢書續集

第八十四冊

文苑堂續書續集

卷八十五

倭 卽日本

倭在韓東南大海中依山島為居凡百餘國自漢武帝滅朝鮮使驛通於漢者三十許國國在稱王。世世傳統其大倭王居邪馬臺國樂浪徼去其國萬二千里去其西北界拘邪韓國七千餘里其地大較在會稽東冶之東與朱崖儋耳相近故其法俗多同土宜禾稻麻紵蚕桑知織績為縑布出白珠青玉其山有丹土氣溫暍冬夏生菜茹無牛馬虎豹羊鵲其兵有矛楯木弓竹矢或以骨為鏃男子皆黥面文身以其文左

右大小別尊卑之差。其男衣皆橫幅結束相連。女人被髮屈紒。衣如單被貫頭而著之。並以丹朱粉身。如中國之用粉也。男女無別。飲食以手。而用藟豆。俗皆徒跣。以躡踞為恭敬。人性嗜酒。多壽考。至百餘歲者甚衆。國多女子。大人皆有四五妻。其餘或兩或三。女人不淫不妬。又俗不竊盜。少爭訟。犯法者沒其妻子。重者滅其門族。其死停喪十餘日。家人哭泣。不進飲食。而等類就歌舞為樂。灼骨以卜。用決吉凶。行來渡海。令一人不櫛沐。不食肉。不近婦人。名曰持哀。若在

金吉利。則顧以財物。如病疾遭害。以為持哀不
謹。便共殺之。光武中元二年。其國奉貢朝賀。使
人自稱大夫。光武賜以印綬。安帝永初元年。國
王帥升等。獻生口百六十人。桓靈間。國大亂。更
相攻伐。歷年無主。有一女子。名曰卑彌呼。年長
不嫁。事鬼神道。能以妖惑衆。於是共立為王。侍
婢千人。少有見者。唯有男子一人。給飲食。傳辭
語。居處宮室。樓觀城柵。皆持兵守衛。法俗嚴峻。
自女王國東度海千餘里。至狗奴國。雖皆倭
種。而不屬女王。自女王國南四千餘里。至侏

儒國人長三四尺。自侏儒東南行船一年至
裸國。黑齒國使驛所傳。極於此矣。會稽海外
有東鯤人。又有夷州。及澶州。傳言秦始皇遣
方士徐福。將童男女數千人。入海求蓬萊神
仙。不得。徐福畏誅。不敢還。遂止此州。世世相
承。有數萬家。人民時至會稽市。會稽東冶縣
人。有入海行。遭風流移至澶州者。所在絕遠。
不可往來。南史倭西南里有海人。身黑眼白。
裸而醜。其肉美。行者或射而食之。文身國在
倭東北七千里。人體有文如獸。其額上有三

文。文直者貴。文小者賤。土俗歡樂。物豐而賤。行客不賣糧。有屋宇。無城郭。國王所居。飾以金銀珍麗。遶屋為塹。廣一丈。實以水銀。雨則流於水銀之上。市用珍寶。犯罪輕者鞭杖。死罪則置猛獸食之。有枉則獸避而不食。經宿則赦之。大漢國在文身國東五千餘里。無兵戈。不攻戰。風並與文身同。而言語異。倭國有獸如牛。名曰山鼠。又有大蛇在此獸。蛇皮堅不可斫。其上有孔。乍開乍閉。時或有光射中。之。蛇則死矣。

魏明帝景初二年。既平公孫氏。倭女王遣大夫
難升米等來朝獻。以金印紫綬封為親魏倭王。
難升米等並拜中郎校尉。勞賜優渥。正始四年。
獻生口方物。八年。女王卑彌呼與狗奴國男王
卑彌乎。不和。遣使者訢相攻擊狀。掾史張政
等齎詔告諭之。卑彌呼死。更立男王。國中不服。
相誅殺。立卑彌呼宗女壹與。乃定。壹與遣使送
政等還。因獻男女生口。貢白珠青大司珠。異文
雜錦。晉武帝太始初。安帝時。皆遣使入朝貢。宋
文帝元嘉二年。王讚表獻方物。讚死。弟珍立。自

稱使持節都督倭百濟新羅任那秦韓慕韓六
國諸軍事安東大將軍倭國王表求除正詔除
安東將軍倭國王倭洧等十三人除平西征虜
冠軍輔國等將軍二十年復以王濟為安東將
軍倭國王二十八年加使持節都督倭新羅任
那加羅秦韓慕韓六國諸軍事安東將軍如故
并除所上二十三人軍郡濟死世子興立遣使
貢獻孝武大明六年詔授興安東將軍倭國王
興死弟武立順帝昇明二年遣使上表言自昔
祖彌躬擐甲冑跋涉山川不遑寧處東征毛人

五十五國。西服衆夷六十六國。陵平海北九十
五國。王道融泰。廓土遐畿。累葉朝宗。不愆于歲。
道逕百濟。裝飾船舫。而句麗無道。圖欲見吞。臣
亡考濟方欲大舉。奄喪父兄。使垂成之功。不獲
一簣。今欲練兵申父兄之志。竊自假開府儀同
三司。其餘咸各假授。以勸忠節。詔除武使持節
都督倭新羅任那加羅秦韓慕韓六國諸軍鎮
東大將軍倭國王。梁武帝即位。進號征東大將
軍。隋文帝開皇二十年。倭王阿每多利思比孤
遣使詣闕。上令所司訪其風俗。使者言王姓阿

每字多利思比孤號阿鞞鷄彌婁姓鷄彌后宮
有女六七百人大子為利歌彌多弗利倭王以
天為兄以日為弟天明時出聽政跣趺坐日出
便停理務云委我弟文帝曰此大無義理訓令
改之大業三年多利思比孤復遣使朝貢使者
曰聞海西菩薩天子重興佛法故遣朝拜兼沙
門數十人來學佛法國書曰日出處天子致書
日沒處天子無恙帝覽不悅謂鴻臚卿曰夷書
有無禮者勿復以聞明年遣文林郎裴世清使
倭國度百濟行至竹島南望耽羅國經都斯麻

國。迥在大海中。又東至一支國。又竹斯國。又東至秦王國。其人同於華夏。以爲夷州。疑不能明也。又經十餘國。達於海岸。自竹斯國以東。皆附庸於倭。倭王遣小德何輩。臺從數百人。設儀仗。鳴鼓角來迎。後十日。又遣大禮哥多毗。從二百餘騎郊勞。既至彼都。其王與世清來貢方物。此後遂絕。

唐太宗貞觀五年。遣使入朝。帝矜其遠。詔有司無拘歲貢。遣新州刺史高仁表往諭。與王爭禮不平。不肯宣詔而還。久之。更附新羅使者上書。

永徽初其王孝德獻琥珀大如斗碼瑙貯五升
器時新羅為高麗百濟所暴高宗賜璽書令出
兵援新羅未幾孝德死子天豐財立死子天智
立明年使者與蝦蟇人偕朝蝦蟇人亦居海島
中其使者鬚長四尺許珥箭於首令人戴瓢立
數百步射無不中者天智死子天父立死子總
符立咸亨元年遣使賀平高麗後稍習夏音惡
倭名更號日本言國近日所出也或云日本乃
小國為倭所併故冒其號長安元年其王文武
遣朝臣真人栗田貢方物朝臣真人者猶唐尚

書也。真人好學，能屬文，進止有容。武后宴之麟德殿，授司膳卿，還之。文武死，子阿用立。死，子聖武立。玄宗開元初，粟田復朝，請從諸儒授經。詔四門助教趙玄默，即鴻臚寺為師，獻大幅巾為贄，悉賞物，買書以歸。其副仲滿不肯去，易姓名朝衡，歷左補闕，久乃還。聖武死，女孝明立。代宗大曆十二載，朝衡復入朝。上元中，擢左散騎常侍，安南都護。新羅梗海道，更繇明越州朝貢。孝明死，大炊立。死，以聖武女高野姬為王。死，白璧立。德宗建中元年，使者真人興能獻方物，興能

善書其帝似璽而澤人莫識貞元末其王栢武遣使者朝其學子橘免勢浮屠室海願留肄業歷二十餘年使者高階真人來與免勢等俱還次諾樂立次嗟峨次浮和次仁明仁明直文宗開成四年復入貢次文德次清和次陽成次光孝直僖宗光啓元年

宋太宗雍熙元年本國僧喬然與其徒五人浮海而至獻銅器十餘事并本國職員今年代紀各一卷喬然衣綠自云姓滕原氏父為真連真連其國五品官也喬然善隸書而不通華言問

其風土。但書以對。上召見。存拊甚厚。賜紫衣。上聞其國王一姓傳繼。臣下皆世官。因謂宰相曰。此島夷耳。乃世祚遐遠。其臣亦繼襲不絕。蓋古之道也。中國唐季。寓縣分割。梁周五代。享歷尤促。大臣世胄。鮮能嗣續。可嘆也。其國多中國典籍。喬然之來。復得孝經一卷。越王孝經新義第十五。一卷。皆金縷紅羅標。水晶為軸。孝經即鄭氏註者。越王乃唐太宗子。越王貞新義者。記室參軍任希古所撰也。喬然又求印本大藏經。詔給之。貞元二年。隨台州寧海縣商人船歸。其國

後數年遣弟子奉表來謝。又別啓貢佛經方物。
喬然書曰：國中有五經書及佛經、白居易集
七十卷，並得自中國。土宜五穀而少麥，交易
用銅錢。文曰：乾文大寶。畜有水牛、羴羊、犀象
產絲蚕，多織絹薄緻可愛。樂有中國高麗二
部。四時寒暑大類中國。國之東境接海島夷
人所居，身面皆有毛。東奧州產黃金，西別島
出白銀，以為貢賦。國王以王為姓，傳襲至今。
王六十四世，文武寮吏皆世官。其初主號天
御中主，至彥瀲尊。凡三十二世，皆以尊為號。